

मार्निंग डोगरी न्यूज़ बुलेटिन,

समा. 09.20 Hrs

◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷ ◁ ▷

Headlines

- राष्ट्रीय आपदा प्रबंधन प्राधिकरण दे सलाहकार हुंदी अगुआई च 7 मिम्बरी उच्ची सतह दी अंतर मंत्रालयी टीम, हालात दा जायजा लैने लेई 5 दिने दे दौरे पर जम्मू पुज्जी।
- उपराज्यपाल मनोज सिन्हा होरें भारी बरखा ते हाई कारण पैदा हालात दा जायजा लैता ते राजौरी च पेश आई दी माड़ी घटना पर दुख प्रगट कीता।
- सेहत मंत्री स्कीना इतू होरें सब्भनैं डाक्टरें ते नीम डाक्टरी अमले गी आक्खेया ऐ जे मौसमी हालात गी दिक्खदे होई ओ हर बेल्ले उपलब्ध रौहन।
- जम्मू-कश्मीर गी MBBS दियां 190 बादतू सीटां हासल होइयां न।
- अखनूर दे हाड़ प्रभावत ग्रां गड़खाल च फसे दे 47 लोकें गी सुरक्षत बचाया गया।

< > < > < > < > < > < >

IMCT

केन्द्री गृह मंत्रालय आसेया भेजी गेदी 7 मिम्बरी अंतर मंत्रालयी उच्ची सतह दी केन्द्री टीम कल संजा नमीं दिल्ली थमां जम्मू पुज्जी, जेहड़ी जम्मू प्रांतै दे सब्भनं 10एं जिलें दा दौरा करियै जमीनी हालात दा जायजा लैग ते अपने तत्थें कन्नै 7 सितम्बर गी केन्द्री राजधानी परतोई जाहग। आकाशवाणी दे जम्मू संवाददाता नै जानकारी दिती ऐ जे इस टीम दी अध्यक्षता राष्ट्रीय आपदा प्रबंधन प्राधिकरण दे कारवाइयें ते संचार सरबन्धि सलाहकार कर्नल के.पी. सिंह

करा रदे न। एह टीम अज्ज जम्मू, साम्बा ते कठुआ जिले दा दौरा करोग, जिसलै जे 5 सितम्बर गी एहदा उधमपुर, रियासी ते रामबन, 6 तरीक गी किश्तवाड़ ते डोडा ते 7 तरीक गी पुंछ ते राजौरी जिले दा दौरा लाने दा कार्यक्रम ऐ।

<><><><><><>

LG- Incessant Rain

भारी बरखे ते हाड़ जनेह हालात दे मद्देनेजर उप-राज्यपाल मनोज सिन्हा होरें वरिष्ठ अधिकारियें थवां हालात ते स्थिति बारे जानकारी हासिल कीती। उनेंगी राहत ते बचाव कम्मै बारे जानकारी दिती गई। उप-राज्यपाल होरें पानी करी पैदा होने आहली बमारियें थवां होने आहली बमारियें थवां बचा ते प्रभावित परोआरें तगर जरूरी चीजां-बस्ता पजाना यकीनी बनाने लेई आक्खेया। उनें राजौरी जिले दे Kangri च पेश आई दी घटना करी प्रभावितें प्रति दुख ते बसोस जाहिर कीता। उनें लगातार होई दी बरखा करी प्रभावित लोकें दी सलामी दी कामना कीती।

<><><><><><>

Sakeena -Appeal

सेहत ते मैडिकल शिक्षा मंत्री स्कीना इतू होरें सारे डाक्टरें ते नीम डाक्टरी अमले गी अपील कीती ऐ, जे ओह मौजूदा मौसमी हालात दे मद्देनेजर आम लोकें दी भलाई-बेहतरी लेई अस्पतालें च उपलब्ध रौहन। अपने इक सनेह च मंत्री होरें डाक्टरें, नीम डाक्टरी अमला ते अस्पताल दे स्टॉफ ते प्रशासन गी अपील कीती जे ओह लोकें दी सुविधा लेई हर बेल्ले उपलब्ध

रौहण। लगातार बरखें करी खतरा पैदा होआ ऐ ते एह साहड़ी जिम्मेदार ऐ, जे अस लोकें दी सहूलत आस्तै उपलब्ध रौहचे।

<><><><><><>

Dy. CM- DMOs Attached

आम लोकें दियें शकैतें पर कारवाई करदे होई उप-मुख्यमंत्री सुरेन्द्र चौधरी होरें 2 District Mining अफसरें गी Attach कीता ऐ। इस सरबंध्य च जारी हुकमै मूजब DMO कुपवाड़ा मुमताज अहमद होरें गी फौरी प्रभाव कन्नै Geology ते Mining निदेशक जम्मू हुंदे दफ्तर च अटैच कीता ऐ। इससै चाली DMO साम्बा मोहम्मद Sharfaj गी Geology ते Mining निदेशालय श्रीनगर च फौरी प्रभाव कन्नै अटैच कीता गया ऐ। DMO कठुआ होरें गी DMO साम्बा दा बाद्दू कम्मकाज सौंपेया गया ऐ।

<><><><><><>

Ramban NHW Restoration (Dispatch)

भारी बरखा, हाड़ ते लास-पस्सियें दे मद्देनजर रामबन दे डिप्टी कमीशनर मोहम्मद Alyas खान, SSP Arun गुप्ता ते ADC वरुणजीत सिंह चाढ़क होरें NH-44 ते जिले दे होरनें दुइयें महत्वै आहली सिड़कें दा व्यापक दौरा लाया ते उत्थे होए दे नुक्सान दा जायजा लैता। जिला प्रशासन युद्ध स्तर पर कम्म करा रदा ऐ तां जे लोकें गी राहत थोई सकै। अपने दौरे दौरान डिप्टी कमीशनर होरें NH-44 पर चला रदे कम्मै दा जायजा लैता।

<><><><><><>

Distress Call

गूल रामबन दे Dachan गां थवां हासिल मदद लेई इक कॉल पर फौरी कारवाई करदे होई, PS Gool दी इक पुलस टीम नै लास-पस्सियां पौने करी किश घरें गी पुज्जे दे नुकसान ते उत्थे फसें दे केई लोकें गी सुरक्षित बचाया। इस घटना च केई सारे लोक, बच्चें ते जानवर फसी गेदे हे। टीम नै फौरी कारवाई कीती ते प्रभावितें गी सुरक्षित थाहरें तगर पजाया। इस बारे जानकारी दिंदे होई प्रभावित लोकें रियाज अहमद ते मुश्ताक नै दस्सेया.

<><><><><><>

JK -Medical Seats

जम्मू-कश्मीर च मैडिकल शिक्षा गी बढ़ावा दिन्दे होई राष्ट्रीय मैडिकल कमीशन नै केन्द्र शासत प्रदेश दे 5 सरकारी मैडिकल कालजें लेई 190 बाद्दू MBBS Seats लेई सरबन्धी मंजूरी आहली चिट्ठी जारी कीती ऐ। इसदे मुजब सरकारी मैडिकल कालेज बारामुला, सरकारी मैडिकल कालेज डोडा ते सरकारी मैडिकल कालजे कठुआ गी 50-50 बाद्दू सीटां हासल होइयां, जिसलै जे सरकारी मैडिकल कालेज जम्मू ते सरकारी मैडिकल कालेज श्रीनगर गी 20-20 सीटां अलॉट होइयां न। इस गें कन्नै जम्मू-कश्मीर दे सरकारी मैडिकल कालेज दियां कुल MBBS सीटां इक हजार इक सौ 85 थवां इक हजार 3 सौ 75 होई गेइयां न।

<><><><><><>

Akhnoor Rescue Op

जम्मू जिले दी अखनूर तहसील हेठ पौन्दे गड़खाल इलाके दे Fattu कोटली गां च कल BSF, जम्मू-कश्मीर पुलिस, SDRF दियें टीम, NDRF ते सिविल प्रशासन नै मिलियें उत्थे फसे दे 47 नागरिकें गी सुरक्षित बचाई लैता। हाड़ै कन्नै बुरी चाली प्रभावत इस इलाके च हर पाससै पानी जमा हा ते एह लोक उत्थे डकोई गेदे हे। BSF दे दंडु हेलीकाप्टरें दी मदद कन्नै बचाव टीमां उत्थे पुज्जियां ते इनें सब्भन 47 नागरिकें गी सुरक्षित बनाई लैता। अधिकारियें जानकारी दिती ऐ जे इनें नागरिकें गी बचाइयें फौज दी मोल्लू बटालियन च पजाया गया।

<><><><><><>

Satish Floods Areas

हाड़ें दे प्रबंधन ते राहत कारवाइयें गी मजबूती प्रदान करदे होई ट्रांसपोर्ट मंत्री सतीश शर्मा होरें, हाड़ें दी शेंका आहले ते प्रभावित गाएं दा व्यापक दौरा लाया। उनें नई बस्ती Naraina Pallanwal, Dhar, Channi, Palatan, Gigrail, Datyal ते Gajrail दा दौरा लाया। अपने दौरे दौरान उनें पानी दे स्तर, जमीनी सतह दे हालात, प्रशासन दी कारवाई दा जायजा लैने सन, मुकामी लोकें कन्नै गल्लबात कीती ते उन्दी समस्याएं गी सुनेया। उनें अफसरें गी हिदायत कीती जे ओह कारवाइयें गी तेज करन, ओह लोक जिनेंगी मता खतरा ऐ, उनेंगी समें-सिर मदद उपलब्ध करोआन। उनें आक्खेया हर इक नागरिक दी भलाई-बेहतरी गी पैहली प्राथमिकता दिती जानी लोड़चदी।

<><><><><><>

DC Udhampur-Shelter Camps

उधमपुर दियां डिप्टी कमीशनर सलोनी राय होरें हाड़ें करी प्रभावित परोआरें लेई कायम शिविरें सनें राहत ते बचाव आहले कम्मै दा जायजा लैता। दौरे दौरान डिप्टी कमीशनर होरें प्रभावित लोकें कन्नै गल्ल कीती ते उन्दी समस्याएं गी सुनेया। डिप्टी कमीशनर होरें मुतलका अफसरें गी हिदायत कीती जे ओह सारियां जरूरी सुविधां लोकें गी उपलब्ध करोआन। उनें राहत सरबन्धी समेयान प्रभावित परोआरें च बंडेया।

<><><><><><>

IAF –Evacuation (Dispatch)

खराब मौसम ते हाड़े दे चलदे जिला प्रशासन उधमपुर ते भारतीय वायु सेना नै किट्ठे रलियै जिले दे बसंतगढ़ इलाके थमां दंडु मरीजें गी सुरक्षित बचाई लैता ऐ। भारी बरखा ते पस्सियें दे चलदे उत्थे फसे दे इनें दौने गी सरकारी मैडिकल कालेज उधमपुर लेने दी लोड़ ही, डिप्टी कमीशनर सलोनी राय हुंदी अगुआई च जिला प्रशासन नै इस कारवाई गी ब्हाई फौज दे सहयोग कन्नै तोड़ चाढ़ेया ते मरीजें गी जहाजै राएं उत्थुआं कड्डेया गया।

<><><><><><>

Kunwar Viyogi

पैहली सितम्बर थमां जम्मू दे बक्ख-बक्ख हिस्सें च 10में “कुंवर वियोगी उत्सव-2025” दे सिलसिले तैहत आयोजत कीते जा रदे कार्यक्रमें दे इक हिस्से दे तौरा पर कल डोगरी दे मन्ने-परमन्न दे साहित्यकार ते साहित्य अकादमी नमीं दिल्ली च डोगरी भाषा दे कन्वीनर पदमश्री मोहन सिंह होरें गी कुंवर वियोगी मैमोरियल ट्रस्ट आसेया लाइफ टाइम अचीवमेंट पुरस्कार भेंट

कीता गया। एह सम्मान उनेंगी डोगरी भाषा, साहित्य संस्कृति ते कला दे क्षेत्र च उन्दे योगदान
लेई दिता गया ऐ।

<><><><><><>